

梁江文通集

梁江文通集卷第五

騷

應謝主簿騷體

山櫺靜兮悲凝涼澗軒掩兮酒涵霜曾風激兮綠

蘋斷

宋王風賦曰夫風起于青蘋之末

積石閉兮紫苔傷

古今注曰苔或

紫或青風土記曰石髮水衣也青綠色生于石上

芝原寂少色筠庭黯無

光沐予冠於極浦馳予珮兮江陽弔秋冬之已暮

憂與憂兮不忘使杜蘅可翦而棄夫何貴于芬芳

王逸楚辭注曰杜蘅香草也此篇淹黜為吳興時所賦以杜蘅喻賢人以芬芳喻忠義也

劉僕射東山集學騷

含秋一顧眇然山中

楚辭曰山中人兮芳杜若飲石泉兮蔭松柏

檀欒

循石

檀欒茂盛貌

便娟來風

便娟舞貌

木瑟瑟兮氣芬蓋石

爰爰兮水成文

爰爰委積貌

擿江崖之素草窺海岫之

青雲願芙蓉兮未暇遵江波兮待君

楚辭曰因芙蓉而為媒暇

也昧

山中楚辭(五首)

青春素景兮白日出之藹藹吾將弭節於江夏

江夏

屬武昌郡楚辭曰江與夏之不可涉見杜若之始大

離騷曰采芳洲兮杜若結

凋鱗以成車懸雜羽而為蓋草色綠而馬聲悲歛

汧袖以流帶

予將禮於太一

史記曰宜立太乙而上親郊之

乃雄劒兮玉鈎

楚詞

曰撫長劒

日華粲於芳閣月金披於翠樓舞燕趙

之上色

古詩曰燕趙多佳人美者顏如玉

激河淇之名謳

毛詩曰送我乎

淇之上矣

薦西海之異品傾東岳之庶羞乘文魚兮錦

質

楚辭曰乘白鼉兮文魚

要靈人兮中洲

楚辭曰蹇誰留兮中洲

入橘浦兮容與

容與閑適也

心惓惓兮迷所識

惓惓不

詞曰悵惓惓兮不平視煙霞而一色深秋窈以虧天上列星

之所極桂之生兮山之巒紛可愛兮柯團團楚辭曰桂

樹叢生兮山之幽偃蹇連蜷兮枝相繚谿崎嶇兮石架阻崎嶇音以颯

颯兮木道寒颯颯高貌煙色閉兮喬木撓嵐氣閣

兮幽篁難忌螭蛄之蚤吟楚辭曰歲暮兮不自聊螭蛄鳴兮秋啾惜

王孫之晚還楚辭曰王孫兮不歸春草生兮萋萋信於邑兮白露方

天病兮秋蘭

石筵筵兮蔽日雪疊疊兮薄樹車蕭條兮山逼舟

容與兮水路愍晨夜之摧挫感春秋之欲暮征夫

輟而在位御者跼而載顧

魂兮歸來異方不可以親蝮蛇九首雄虺載鱗

宋玉

招魂曰魂兮歸來南方不可以止些蝮蛇蓊蓊封狐千里些雄虺九首往來倏忽吞人以益其心些

炎穴一光骨爛魂傷

使炎穴南方也言南方之炎能使骨爛魂傷也又括地圖曰

神丘有火穴光照千里

玄狐洩尾

說文曰狐妖獸鬼所乘也

赤象為梁

西京

賦曰鼻赤象圈巨狺薛綜注曰象怒則鼻赤

至日歸來無往此異方

此篇

首尾數語寫盡宋玉招魂一賦

雜篇

雜三言五首

并序

予上國不才黜為中山長史待罪三載究識烟霞之狀既對道書官又無職筆墨之勢聊為後文

構象臺

達麼傳曰負荷大法者比之龍象

曰上妙兮道之精道之精兮俗為名名可宗兮聖

風立

孔子曰丘聞西方有大聖不治而不亂不言而自信不化而自行蕩蕩乎人無能名焉

立聖風兮茲教生

聖風宣聖之風也茲教象教也頭陀寺碑曰正法既沒象教陵

夷寫經記兮寄圖刹畫影象兮在丹青起淨法兮

出西海流梵音兮至素溟

漢明帝夜夢金人飛行殿庭以問于朝而傳毅

以佛對帝使往天竺得經及釋迦像自後佛法徧于中夏又王簡西頭陀寺碑曰晉漢兩明並勒丹

青之網紫宙兮洽萬品冠璇寓兮濟群生言佛法網布于

寓宙而浹洽于萬品羣生羣生即內典所謂衆生也余汨阻兮至南國淹考

也仕于南故迹已徂兮心未扁立孤臺兮山岫架城人

半空兮江汀累青杉於澗構積紅石於林樞雲八

重兮七色山十影兮九形已上皆言臺之形勝也金燈兮江

離金燈江離皆草名也環軒兮匝池相思兮豫章相思豫章皆木名

載雪兮抱霜栽異木而同秀鍾雜草而一香苔蘚

生兮繞石戶蓮花舒兮繡池梁伊日月之寂寂無

人音與馬迹耽禪情於雲逕守息心於端石永結

意於鷲山

西域有靈鷲山
佛之大道場也

長憔悴而不惜

訪道經

百學兮異文錦派兮綺分珍君之言兮皦無際悅
子之道兮迥不羣澹深韻於白水儼高意於浮雲
軌賢豪於後學軼望識於前文茲道兮可傳可傳
兮皓然挾茲心兮赴絕國懷此書兮坐空山空山
隱嶙兮窮翠嶠水散漫兮涵素壑海外陰兮氣壘
疊江上月兮光灼灼東南出兮是一山西北來兮
乃雙鶴池中蓮兮千色紅牕前樹兮萬葉落四壁

深兮乃沈寥左右虛兮如寂寞寂寞兮山室德經
兮道表盪魂兮刷氣搔憂兮靜疾信若人兮先覺
聊與子兮如一

鏡論語

巡青史之殘誥覽朱管之遺冊惟魯濱之一叟信
銜道而探寂世艱險而多阻君英明而不革講業
兮齊衛論精兮洙泗子之說兮義已祕成賈鄭之
雄理可黃何之壯思惜古人之取才瞰青雲而靖
意意恬悵兮有端才嶒峻兮可觀憲矯禹而折法

襲仁誼而求安不熾婉而戚施寧蹉跎於馬蘭俾
後生之度士鑒明德之音翰惟山中兮寂寞沉憂
思兮無從石紅青兮百疊山濃淡兮萬重日下兮
月出兮銅峰竹色兮拂戶水氣兮繞牕味哲
人之遺珍折片句兮忘老嘉石門之理名憐柳子
之沈道書吳伯於衣袖鏤顏子於心抱籌出處之
叔仲酌言默之多少若妙行與上靈非積學之所
紹至將夏以升降幸砥心而勿夭

悅曲池

北山兮黛柏南江兮頽石頽峰兮若虹黛樹兮如
畫暮雲兮十里朝霞兮千尺千尺兮緜緜青氣兮
徃旋桐之葉兮蔽日桂之枝兮刺天百谷多兮瀉
亂波雜礫饒兮驚叢泉竟長洲兮匝東島縈曲嶼
兮繞西山山巒屹兮水環合水環合兮石重沓林
中電兮雨冥冥江上風兮水颯颯盟清冷兮適潺
湲白雲起兮弔石蓮客子思兮心斷絕心斷絕兮
愁無開步東池兮夜未艾卧西牕兮月向山引一
息於魂內擾百緒於眼前意春蘭與秋若願不絕

於江邊

愛遠山

伯鸞兮已遠名山兮不返

漢梁鴻字伯鸞隱于霸陵山中速緝草

之可結及朱華之未晚

阮籍詠懷詩曰逍遙未終晏朱華忽西傾緝余

馬於椒阿

楚辭曰登閭風而緝余馬王逸注緝馬繫馬也

漾余舟於沙衍

臨星朏兮樹閭

朏音斐明未盛也

看日爍兮霞淺淺霞兮

駁雲一合兮一分映壑兮為飾綴澗兮成文碧色

兮婉轉丹秀兮蒼蒼深林寂以窈窕上猿狖之所

群楚辭曰深林杳以冥冥猿兮聒山大林兮蔽天

楓岫兮筠嶺蘭畹兮芝田

楚辭曰余既滋蘭之九畹兮又樹蕙之百畝

紫蒲兮光水

選詩曰新蒲含紫茸

紅荷兮艷泉香枝兮嫩葉

翡翠兮翠疊非郢路之遼遠寔寸憂之相接

楚辭曰惟

郢路之遼遠兮

奄一夕而九逝歛美人於心底

楚辭曰思美人兮惝涕而佇願

山與川之可涉

楚辭曰江與夏之不可涉

若溘死於汀潭

楚辭曰寧

溘死以流亡王

哀時命而自慙

漢嚴忌楚辭曰哀時命之不及古人

兮何予生之不邁時

拾遺

遂古篇

并序

僕嘗為造化篇以學古制今觸類而廣之復有此
文兼象天問以遊思云爾

聞之遂古

楚辭曰遂古之初
王逸注遂往也

大火然兮水亦溟溟

無涯邊兮

溟音悖溟溟無岸畔也淮南子曰四海
溟溟民皆上丘陵赴樹木又曰往古之

時四極廢九州裂天不兼覆地不息
載火熾炎而不滅水浩洋而不息

女媧煉石補

蒼天兮

通鑑外紀曰共工氏觸不周山天
西北傾女媧氏煉五色石補之

共工所

觸不周山兮

列子曰共工氏與顓頊爭為帝怒觸
不周山折天柱絕地維故天傾西北

地缺東南百川水潦歸焉河洛交戰寧深淵兮

國語曰周靈王
二十二年穀洛

水闕將毀王宮賈逵注曰
西水會似于闕河當作穀

黃炎共鬪涿鹿川兮

帝

世紀曰黃帝有熊氏少典之子及炎帝世衰黃帝修德諸侯咸去神農而歸之討蚩尤擒之于涿鹿

之野凡五十二戰而有天下

女岐九子為氏先兮

王逸楚辭注曰女岐神女

無夫而生九子也

蚩尤鑄兵幾千年兮

龍魚河圖曰黃帝時有蚩尤兄弟八

十一人並獸身人語銅頭鐵額食沙石子造立兵杖刀戟大弩威鎮天下

十日並出堯

之間兮羿廼弊日事豈然兮

淮南子曰堯時十日並出草木焦枯堯命

羿仰射十日中其九鳥皆死

常娥奔月誰所傳兮

淮南子曰羿請不死之藥

于西王母姮娥竊之奔月宮姮娥羿妻也服藥得仙奔入月中為月精

豐隆騎雲為

靈仙兮

楚辭曰吾令豐隆垂雲兮求宓妃之所在注豐隆雷師也

夏開乘龍何

因緣兮

山海經曰大樂之野夏后啓于此舞九代馬乘兩龍也

傳說託星安

得宣兮

莊子曰傳說乘東維騎箕尾而比于列星

夸父鄧林義亦艱兮

山海經曰夸父逐日道渴而死棄其杖化為鄧林

建木千里鳥易論兮

呂氏春秋曰白人之南建木之下

日中無影蓋天地之中也

穆王周流徃復旋兮

河宗王母可與言兮青鳥所解路誠亶兮

穆天子傳曰天

子乘八駿觴西王母于瑤池之上又

五色玉石出

青鳥西王母所取飲食者亶遠也

西偏兮崑崙之墟海此間兮去彼宗周萬二千兮

爾雅曰西北之美者有崑崙之墟璆琳瑯玕鳥水經曰崑崙墟在西北去嵩高五萬里地之中也

山經古書亂編篇兮郭釋有西未精堅兮

吳都賦曰名載

于山經山經山海經郭璞所註釋也

上有剛氣道家言兮日月五星

皆虛懸兮

初學記曰日月謂之五星謂之五緯倒景去地出雲烟

兮

纂要曰景在上曰反景景在下曰倒影

九地之下如有天兮

儀曰

天如鷄子天大地

土伯九約寧若先兮

楚辭曰土伯九約其

小大表裏有水

角鬚鬚些三注土伯后土之侯伯也

約屈也其身九屈有角觸害人也西方蓐收司金

門兮

禮記月令曰其帝少皞其神蓐收注少皞金天氏蓐收少皞之子西方之神也北極

禹強為常存兮

莊子曰禹強得之立乎太極注北方水神也

帝之二女

遊湘沅兮

二女堯帝之二女娥皇女英也隨舜不返墮于湘水之渚因為湘夫人

明燭光向焜煌兮

山海經曰舜妻登北氏生霄明燭光處河大澤二女之靈能照

此所方

百里太一司命鬼之元兮山鬼國殤為遊魂兮

東皇太一司命山鬼國
騶皆離騷九詞篇也

迦維羅衛道最尊兮瑞應經曰

菩薩下世常作佛語生天竺迦維羅衛國諸佛生處黃金之身

誰能原兮

後漢書曰漢明帝夢金人飛宮而下傳毅曰西域之神其名曰佛

恒星

不見頗可論兮

左傳曰莊公七年四月辛卯夜恒星不見夜明又晉宋書曰佛生周

莊王七年四月八日常星不見按左傳魯莊公元年即周莊王四年恒星即常星也

其說彬

炳多聖言兮

孔子曰丘聞西方有大聖人不治而不亂不言而自信不化而自行蕩蕩

乎人無能名焉

六合之內心常渾兮幽明詭性令智昏兮

河圖洛書為信然兮

易曰河出圖洛出書聖人則之孔甲養龍古

共傳兮

左傳曰有夏孔甲擾于帝帝賜之乘龍

禹時防風處隅山兮

博物志曰昔禹平天下會諸侯春秋長狄生何邊

會稽之野防風氏後至禹殺之

兮左傳曰魯叔孫得臣敗長狄于鹹獲長狄僑如富文終春其喉以戈殺之穀梁傳曰僑如兄弟

三人造宮中國凡射不能害得臣善射射臨洮所

見又何緣兮班固漢書曰秦始皇帝二十六年有大人長五丈足履六尺皆夷狄服凡

于臨洮十二人見蓬萊之水淺於前兮東海之波為桑田

兮神仙傳曰王方平與麻姑自言接待以來見東海三為桑田聞蓬萊水又淺于往者會時畧半

矣將復為山崩邑淪寧幾千兮石生土長必積年

兮漢鑿昆明灰炭全兮漢武帝穿昆明池悉是灰墨問西域胡僧曰天地大劫將盡則為灰魏開濟渠螺蚌堅兮河渠書曰西此劫灰之餘也

溉鄴以富魏之河內濟渠即河內之渠也白日再中誰使然兮風俗通曰成帝

問劉向俗說文帝被徵後期不得立日為再中北斗不見藏何間兮建章

宮闕神光連兮關中記曰建章宮圓闕臨北道鳳在上故曰鳳闕也未央鐘

簾生花鮮兮東方朔傳曰漢武帝時未央宮殿前鐘無故自鳴三日三夜不止上大怪

之召問東方朔朔對曰臣聞銅者土之子以陰陽氣類言之子母相感山恐有崩弛者故鐘先鳴三

日後南郡太守言銅為兵器秦之前兮史記曰秦始王鑄天

下兵器為十二金人各重千斤丈夫衣綵六國先兮周時女子出

世間兮史記六國年表曰秦取曲沃平周女子化為丈夫班君絲履遊太

山兮人鬼之際有隱淪兮四海之外孰方圓兮沃

沮肅慎東北邊兮

山海經註曰魏黃初中玄菟太守王頊討高句麗王過沃沮國

其東界臨大海近日之所出山海經曰大荒之中

有山名曰不咸有肅慎氏之國注今肅慎國去遼

東三千餘里穴居無衣其人皆工射弓長四尺勁

強箭以楛為之長尺五寸青石為鏑春秋時隼集

陳侯之庭長臂西面亦乘船兮

山海經曰長臂國在海之東其人垂

手至地與長脚國隣長脚國人常負長臂國人入

海捕魚張華博物志曰一國項中復有面與言不

相通地在沃東南倭國皆文身兮

倭國即日本國在新羅國東依

沮東大海中

山島而居九百餘里或曰始皇遣

徐福入海求不死藥今其子孫也

民兮

東夷傳曰倭國東四千餘里有裸國侏儒三

尺並為隣兮

侏儒矮人國也其人長三尺東方朔曰侏儒一斗粟臣亦一斗粟侏儒身

不滿三尺臣長七尺有餘臣西北丁零又烏孫兮

恐侏儒飽欲死臣饑欲死也烏孫在車師月支種類

丁零乃五單于之一種也烏孫俗車師月支種類

大宛東北二千里與匈奴同俗徐廣注曰姑師

繁兮大宛傳曰樓蘭姑師小國耳大宛西可二三千

里注南州志曰地高燥國王稱天子城郭宮殿與

大秦國同所出奇瑋珍物被服鮮好天竺不及也

馬蹄之國善騰奔兮山海經曰馬蹄國即釘靈國

走自鞭其足一西南烏弋及罽賓兮漢書西域傳

日可行三百里西南烏弋及罽賓兮漢書西域傳

國王去長安萬二千二百里東與罽賓北與撲挑

西與條支國臨西海暑濕田稻有大鳥卵如甕人

甚衆多地暑熱莽平其草木畜產五穀果菜食飲

宮室市列錢貨兵器金珠之屬皆與罽賓同又曰

罽賓國王治循鮮城去長安萬二千二百里其天

民巧瑠文刻鏤治宮室織罽刺文繡好治飲食天

竺于闐皆胡人兮

南州志曰月氏在天竺北條支大宛傳曰東則杆罽于闐

安息西海滄兮

大宛傳曰條支在安息數千里臨西海暑濕耕田田稻有大鳥卵如

甕

人迹所極至大秦兮珊瑚明珠銅金銀兮琉璃

瑪瑙來雜陳兮碑礫水精莫非真兮雄黃雌石出

山垠兮青白蓮花被水濱兮宮殿樓觀並七珍兮

後漢書曰大秦一名犁鞞在西海之西東西南北各數千里有城四百餘所土地產金銀奇寶有夜

光壁明月珠駭鷄犀火浣布珊瑚琥珀琉窮陸溟

海又有民兮長股深目豈君臣兮山海經曰無脊之國在長股國

東又曰無腸國在深目國丈夫女子及三身兮山海

東深目民之國盼姓食魚

經曰丈夫國在維鳥北其為人衣冠帶劍注殷帝
大戊使王孟採藥從西王母至此絕粒不能進食
木實衣木皮終身無妻而生二子從形中出是為
丈夫民又曰女子國在巫咸北兩女子居水周之
注有黃池婦人入浴出即懷妊矣若生男子三歲
輒死周猶繞也又曰三身國在夏后啓北一首而
三身

穿臂反舌一臂人考

博物志曰禹殺防風氏夏
德盛二龍降之使范成克

御之以行域外既周防風氏之神見禹使怒而射
之有迅雷二龍升去二臣恐以刃自貫其臂而死
禹哀之乃拔其刃療以不死之藥皆生焉是為穿
臂人去會稽萬五千里呂氏春秋曰善為君者蠻
夷反舌皆服德厚也注南方有反舌國山海經曰
一臂國在三身國北一臂一目一鼻孔有黃馬虎
文跂踵交脛與羽民今東其為人大兩足亦大注
其人行脚根不着地也又曰交脛國其為人交脛
注言脚脛曲戾相交所謂雕題交趾者也又曰羽

民國其為人長頭身生羽注不死之國皆何因兮

能飛不能遠卯生似仙人也山海經曰不死國其人黑色壽不死有員丘山范

上有不死樹食之乃壽亦有赤泉飲之不老荒造化理難循兮聖者不測况庸倫兮筆墨之暇

為此文兮薄暮雷電聊以忘憂又示君子南史曰淹嘗歎

為赤縣經以補山海之闕竟不成驥按遂古篇大畧彷彿耳

頌

草木頌十五首

并序

僕一命之微遭萬代之幸不能鐫心礪骨以報所
象擢翼驤首自至丹梯爰乃恭承嘉惠守貶閩中

且僕生人之樂久已盡矣所愛兩株樹十莖草之間耳今所鑿處前峻山以蔽日後幽晦以多阻饑獫搜索石瀨爰爰庭中有故池水常決雖無魚梁釣臺處處可坐而葉饒冬榮花有夏色茲赤縣之東南乎何其奇異也結莖吐秀數千餘類心所憐者十有五族焉各為一頌以寫勞魂

金荊

顧微廣州記曰撫納縣出金荊

江南之山連障連天既抱紫霞亦漱絳煙金荊嘉樹涵露宅僊嫖節詎及幽意誰傳

弓矢圖曰凡木心圓荊心方也

相思

竦枝碧澗卧根石林日月斷色霧雨恒陰綠秀八
炤丹竇四臨公子不至

楚辭曰思公子兮未敢言

山客徒尋

豫章

伊南有材匪桂匪椒下貫金壤上籠赤霄盤薄廣
結捎瑟曾喬七年乃識

淮南子曰豫章生七年可知

非曰終朝

并櫚

廣雅曰并櫚櫚也

異木之生疑竹疑草攢叢石逕森徒山道煙岫相
珍雲壑共竇不華不縵可避工巧

杉

桐梓舊麗松枯稱奇焉如茲品獨秀青崖群木歛
望雜草不窺長入煙氛永衆鸞螭

檉

爾雅曰檉
河柳也

木貴冬榮檉實寒色停黛峰頂挿翠石側碧葉菴
藹頰柯翕絕方陋筠櫝遠笑荆棘

楊梅

寶跨荔枝芳軼木蘭懷藥挺實涵英糝丹鏡日繡
壑炤霞綺巒為我羽翼委君王盤

山桃

惟園有實

毛詩曰園有桃其實之微惟山有叢丹
鵲峰露紫榮

繞風引霧如電映煙成虹
伊春之秀乃華之宗

禮記

月令曰仲春之月桃始華

山中石榴

美木艷樹誰望誰待縹
葉翠萼紅華絳采炤烈泉

石芬披山海奇麗不移
霜雪不改

木蓮

迸采泉壑騰光淵
丘紉麗碧巘紅艷桂洲山人結

呂靈俗共遊時至不採為子淹留

石上菖蒲

呂氏本草曰菖蒲一名堯韭一名菖陽久服身輕不老

藥寶靈品爰乃輔性却病衛福蠲邪養正縹色外
妍金光內映草經所珍僊圖是詠

黃連

黃連上草丹沙之次禦孽辟妖長靈久視駭龍行
天馴風匝地鴻飛以儀順道則利

薯蕷

本草曰薯蕷一名山芋益氣力長肌肉除邪氣服之輕身耳目聰明

華不可炫葉非足憐微根儻餌棄劒為僊黃金共

鑄

李少君曰丹砂可化為黃金黃青腹爭妍即空

青

也久服輕身延年能

君謂無妄我驗衡山

湘中記曰

化銅鉛作金生益州

永和初有采藥衡山者道迷糧盡過息岩下見一
老公四五年少對執書告之以饑與其食物如薯
蕷指教所去六日

杜若

本草經曰杜若一名杜蘅
味辛微溫久服益氣輕身

山中杜若嘉爾翠質不奇不俗載華載實同銜夕

露共烟朝日夷險無二沈冥如一

藿香

交州記曰藿
香似蘇合

桂以過烈麝以太芬摧阻天壽夭折人文詎及藿

香微馥微薰攝靈百仞養氣青霄

讚

雲山讚四首

并序

壁上有雜畫皆作山水好勢僊者五六雲氣生焉
悵然會意題為小讚云

王太子

子喬好輕舉不待煉銀丹控鶴去窈窕

列仙傳王太子喬見桓

良曰待我緱氏山頭至期果學鳳對嶺

列仙傳曰王子

喬者周靈王太子晉也好吹笙作鳳鳴

山無一春

遊伊洛間道士浮丘公接以上嵩山

草谷有千年蘭雲衣不躑躅龍駕何時還

陰長生

列仙傳曰陰長生從馬明生受金液神丹乃入華陰山合金液不樂升天

但服半劑為地仙

陰君惜靈骨珪璧詎為寶日夜明山側果得金丹

道憂傷永不至光顏如碧草若度西海時致意三

青鳥

山海經曰三危山有三青鳥為西王母取飲食者

白雲

紫煙世不覲

許邁別傳曰邁有道術燒香皆五色煙出後莫知所在

赤鱗庖

所捐

列仙傳曰琴高浮游冀州二百餘年乘赤鯉仙去言紫煙世所不見赤鯉亦庖人所不敢

制白雲亦海外益蓋起三山王子年拾遺記曰海中有三山形如壺曰

蓬萊曰方文曰瀛洲蕭瑟玉池上王池即瑤池也穆天子傳

容裔帝臺前山海經曰鍾鼓之山帝臺之所以欲

知清都裏乘此乃登天列子曰周穆王至化人之

宮王以為清都紫微推見

隱至

秦女列仙傳曰秦繆公女字弄玉嫁蕭史善

吹簫教弄玉吹簫作鳳鳴居數十年鳳

皇來止其屋為作鳳臺夫婦止

其上數年一旦皆隨鳳皇飛去

青琴既曠世司馬相如上林賦曰若夫青琴宓妃

之徒絕殊離俗伏儼注曰青琴古神

女綠珠亦絕群于寶晉紀曰石崇有妓曰綠珠美

也而工舞孫秀乃使人求為崇勃然

曰緹珠吾所愛
重不可得也

猶不及秦女十五乘綵雲璧質人

不見瓊光俗詎聞願使洛靈往為我道奇芬

漢書音義

如淳曰宓妃宓義氏之女溺死
洛水為神魏曹植為洛神賦

五六懣

懣

洙

汴

河

黨

葉

華

披

挽

移

徙

靈

虛

右五卷正過八字

梁江文通集卷第五

終

梁江文通集卷第六

漢書卷第六

符

文心雕龍書符也符中字三代王瑞漢用金竹未代

矣

尚書符

起都官軍局符蘭臺按沈攸之本傳曰順帝即位進攸之弭其年十一月

乃發兵叛以戰士十萬鐵馬二千時齊王輔政遣衆軍西討尚書符征西府

侍御史大夫尊冠賤履

漢書曰冠雖敝不以苴履

君臣斯位愛

順惡逆成敗可曉未有憑陵我江郊侵軼我河縣

左傳曰憑陵我城郭

而不流魂漂骨丹宗血祀者也沈攸之

寂寥無聞起自甲卒邀我百戰之軍乘彼一捷之

幸鐫山裂地

漢書曰竇憲降卑于兵二十萬登燕然山鐫石以紀漢功白虎通曰裂土

分疆非為諸侯皆為民也

紐紫要金

陸機平原表曰懷金拖紫退就散輩擁旗藩

伯藩伯藩國之伯也

便無北面之禮

禮記曰君之南鄉答陽之義也臣之北面

答君也受符方屏

符符信也左傳富辰曰昔周公封建親戚以藩屏周室

即有

專征之釁

古諸侯賜斧鉞得以專征箕賦深斂史記陳餘傳曰錢得

騷動百姓罷敝頭會箕斂服虔注曰吏到其家以人頭數出穀以箕斂也

毒被南郢枉

墨矯繩

宋玉九辨曰背繩墨而改錯王逸注曰違廢聖典背亂仁義也

害著西荆

鬼恠其性故徙始而遂終狼戾其志乃訟少而得

老山陵不崩移殃為慶

大戴禮曰聖人有國日月不食星辰不孛川澤不竭

山陵不崩

踐祚無賀

是時順帝即位故曰踐祚無賀

按劔稱予

戰國策蘇秦為

楚合從說韓王曰臣聞鄙語曰寧為雞尸不為牛

從今西面交臂事秦何異於牛從韓王按劔仰天

曰寡人雖死其不事秦

其不事秦

遂乃關馳送書亭炤妖火此而可賒

孰不可宥今遣陳承叔

輔國將軍南高平太守軍主陳承叔

彭文之

等

左軍將軍南濮陽太守彭文之

敢勁三萬

敢勇敢也勁健也

前驅電耀

毛詩曰伯也執爰為王前驅

呂安國

散騎常侍領游擊將軍相州刺史呂安國

伯輔國將軍軍主任侯伯

桓崇祖

游擊將軍

曹虎頭等

寧朔將軍

虎賁中郎將屯騎校尉南城令曹虎頭

樓艦二萬射蛟中流

西京雜記曰漢

武帝習水戰造樓船百隻上建樓櫓戈矛四角垂幡髦旌葆麾蓋又元封五年武帝自潯陽江親射

蛟江

荀元賓

後軍將軍右軍中兵叅軍事荀元賓郭文孝寧朔將軍

參軍事郭文孝程隱雋等

龍驤將軍程隱雋

輕艫二萬

舟也

高旌

蔽日周盤龍

新除持節都督交廣領平越中郎將廣州刺史周盤龍

張文禧

後軍統馬軍主張文禧原本作文嘉

薛道淵等

龍驤將軍薛道淵

鐵馬五千

鐵馬被甲馬也

龍驤後陣凡此諸帥莫不氣薄日月精變

虹蜺或飲羽石梁

闕子曰宋景公使弓工為弓九年而來公曰為弓亦遲對曰臣

不得見公矣臣之精盡於弓矣獻弓歸三日而死公張弓登臺東西而射矢踰孟霜之山集彭城之

東其餘力逸勁飲羽於石梁

或超踰亭樓

漢書曰甘延壽少以良家子善騎射嘗超

踰羽林亭樓索鐵拔距淮南子曰桀之力別船伸由是遷為郎

謂西人以手相案能援引之也鴈鵠視賦曰

後肯駢背顧眄則前後生風喑鳴則左右激電音

應聲也又然鑿戎薄臨驍虎百萬六軍徐軌六軍

之軍五輅遲旆潘國諸侯丹艦發炤素甲生波搜

煩白羽匈奴傳曰衛青出雲中以西至隴西擊胡之樓煩得胡首虜數千白羽矢名也國語

曰吳素甲白羽投鞍成岳漁陽黑騎一統志曰秦之矜望之如荼

二郡按漁陽郡浴鐵為雲晉建武故事曰王敦賊即今之密雲也

浴鐵於是高山與深谷共湮毛詩曰高岸為谷深谷為陵紫芝

與白艾同滅

淮南子曰巫山之上順風縱火膏夏然艾與蕭艾俱死注膏夏大木也

不亦惜乎惜乎

後漢書曰范巨卿見孔仲山把臂謂曰子懷道隱身處於卒伍不亦

惜乎符至之日幸加三省其驅逼寢手之人鋒陣塢

壁之主若有投命軍門一無所問或能因罪立績

賞不示私斬祛射

缺

史記曰晉獻公使兵伐蒲蒲人之宦者勃鞞命重耳自殺

重耳踰垣宦者追斬其衣祛又曰管仲射中小白

帶鉤小白佯死高侯立之是為桓公又襄陽耆舊

傳孫休下令曰李衡以往事之嫌自拘有司夫射

鉤斬祛在君為忠遣衡還郡缺即鉤類繫於帶末

以束唯功是與購募之科具列於上信如白水左傳

曰晉文公謂舅犯曰所不與舅氏者有如白水又

漢書曰光武攻洛陽朱鮪守之上令岑彭說鮪鮪

曰大司徒被害餉與其謀誠知罪深不敢降爾彭
還白上謂彭復往明曉之今降官爵可保况誅罰
乎上指水曰河水
在此吾不食言
皦然無二臺明詳旨飛火晉加
李令伯陳情表
曰急如星火
宣才文書千里馳驛按尚書符朱史全載但中
間辭義稍異多為
沈約增損潤飾之

教

釋名曰教勸也下所法勸也蔡邕獨
斷曰諸侯言曰教猶今之教條也

建平王散五刑教

府州國紀綱

晉書曰東平王主簿王豹白事齊王
曰况豹雖陋故大州之綱紀按文選

傅亮兩教皆曰綱
紀此曰紀綱義同

吾謬繼朝組廼班恩命重渥華

藩踐寵懋旬永言政惠良攬情寐况舊楚地曠曠遠

大前郢氓殷

殷盛也

水帶枉渚

楚志曰枉渚在武陵郡城南源出枉山楚

辭曰朝發枉渚兮即此

山匝魯陽

一統志曰魯陽春秋時為鄭邑漢為魯陽縣屬南陽

郡

自頃田邑榛故封井萊蕪

榛故萊蕪也猶言荒廢蕪蔓也

財賦

方屈犴獄寔繁思所以厚風釐俗變瑟改調

淮南子曰

事猶琴瑟每絃改調

自五歲刑已下未連臺者一皆原遣文

武禪坐亦悉復職主局依舊施散薄紓此懷

建平王聘隱逸教

府州國紀綱夫媯夏已沒

媯夏舜禹也

大道不行雖周

惠之富猶有魚潭之士

史記曰太公望呂尚者蓋嘗窮困年老釣於渭渚之

南周西伯獵遇太公與語大悅漢教之隆亦見樓

山之夫

史記曰高祖欲易太子呂后要留侯畫計曰顧上有不能致者四人四人者年老矣

皆以為上海慢人故逃匿山中義不為漢臣令太子卑辭安車因使辨士固請以來四人從太子年皆八十餘鬚眉皓白衣冠甚偉上怪問之曰彼何為者四人各言姓名曰東園公角里先生綺里季夏黃公竟不易太子

者此四人之力也

迹絕雲氣意負青天

莊子曰絕雲氣

負青天將以圖南也

皆待絳螭驤首翠虬來儀

淮南子曰今夫赤螭翠虬

之游冀州也天清地定步不出頃畝之區而蛇蟠輕之以為不能與之爭於江海之中至於玄雲之素朝陰陽交爭降扶風雜凍雨扶搖而登之威動天地聲震海內又况直蛇鯁乎

是以遺

風扇百代餘烈激後生斯乃王教之助古人之意

烏吾稅駕舊楚憇乘汀潭挹於陵之操

皇甫謐高士傳曰於

陵陳仲字子終適楚楚王欲以為相妻曰子織履以為食恬淡而無為樂在其中矣想漢陰

之高

子貢見漢陰丈人為圃畦抱甕而灌用力多而見功寡子貢曰有械于此一日浸百畦鑿

木為機後重前輕其名曰桔槔丈人笑曰有機而械者必有機事有機事必有機心吾不為也

山川遐久流風無沫養志數人並未徵采善操將

棄良用慨然宜速詳舊禮各遣纁招

後漢書曰光武玄纁以聘

嚴光爾雅曰玄纁者天地正色土無正位托位南方火赤與黃為纁

度暢此幽襟以

旌蓬華

蕭驃騎發徐州三五教

三五猶孫子兵法所謂三令五申之教也

又見九卷諸
建平王上書

州府紀綱沈攸之背慢靈極靈極神極也稽誅之日久

矣稽計也言計誅攸之之日已久矣况稱兵江漢之上圖譽廟闕

之下惡熾罪盈民靈所絕朝廷以尅辰纂嚴令輿

風駕吾任先責遠義兼常慨挺刃投袂家語曰兩壘相望挺

刃交兵左傳曰信見其時方當水斬蛟龍陸斷犀

兕王子淵聖主得賢臣頌雖烈士銜志壯夫投緊

然雲羅既舒宜廣威防禦此言攸之亂所統郡宜廣威防禦也

縣便普三五咸依舊格以赴戎麾主者飛火施行

蕭驃騎築新亭壘埋枯骨

教注見三卷新亭壘詩

府州綱紀夫河南稱慈諒由掩骼廣漢流仁實存

殯朽

禮記曰孟春之月掩骼埋胔東觀漢書曰陳寵字昭公沛國人也轉廣漢太守先是雒陽

城南每陰常有哭聲聞於府中寵使案行昔歲倉卒時骸骨不葬者多寵乃勅縣葬埋由是即絕也

河南郡即雒陽也

近表製茲塋崇溝峻塹

溝溝洫也古墟

曩塹

墟大丘也塹地道也

時有湮移深松茂草或致刊薙

芟夷也

憑軒動懷巡隍增愴宜並為收改塋奠祀主

局詳辨施行

蕭太傅東耕教

注見十卷東耕呪文

三府二州綱紀夫寶農賤貨綵炤周滕巡耕去販

光炎漢錄故能業滋都野產殷絃縣吾任屬弘寄

思闡治源慮以晨感情以宵嘆今玄司調氣玄北

方水象也青祗佇節潘岳籍耕賦注曰青東方之色以取發生之象祗地神也

張協雜詩曰太皞啟陳即柔服方秀電爍有

期言春動雷電桐萌無遠禮記月令曰季春之月桐始華便當躬

速緝耦道先列辟事均暫勞迹在永豫可克日備

辨詳典施行

檄文文選注曰檄敕也喻彼使皎然知我情也

此周末時穆王令祭公謀父為威武之辭

以責狄人之情
此檄之始也

慰勞雍州文

呂氏春秋曰西
方為雍州秦也

皇帝謝鎮軍寧蠻二府

鎮軍寧蠻乃鎮
守邊夷官名也

雍州文武

士庶等夫忠為令德或感檄殺軀信實美行或殉

義蹈節而沈攸之小堅反覆稱逆西藩

按本傳太
祖與沈攸

之書曰張雍州遷代之日將欲誰擬若張惑一言

果興怨恨事負雅素君子所不可為况張之奉國

忠亮有本情之見與意契不貳邪又張雍州啟事

稱彼中蠻動兼民遭水患敕令足下不為經綏之

計吾亦

有白
袁粲劉秉潛使相扇

扇助也假人權力若
火之相扇也資治通

鑑綱目曰沈攸之與袁粲劉遂擁據石頭

石頭金
陵石頭

城立圖廟社廟社宗廟也祭秉既從王憲按本紀攸之反問初

至太祖往石頭與衆謀議祭稱疾不見尅壬申夜

起兵據石頭劉秉惟怯晡時從丹陽載婦人入石

頭朝廷不知其夜丹陽丞告變太祖蒼黎同慶

命王敬則攻石頭斬黎等憲法也蒼黎同慶

蒼生黎攸之孤州蟻聚勢必燼滅吳志曰錢唐太

庶也師種武等蟻聚

為刺史張敬列傳曰張敬兒南陽冠軍人也斬休

寇敬兒人依既輕不欲便使為襄陽太守敬兒求之

敬兒不巳乃以敬兒特等督雍梁二州郢司二郡軍事

雍州刺史將軍張義氣雲騰秣馬星驅楚子重曰

敬即張敬兒也義氣雲騰秣馬星驅楚子重曰

全羽十萬殄茲氛鯨殄滅也左傳曰取其鯨

旋踵旋返也踵足根也史記司馬相如傳曰彼州

夫邊郡之士觸白刃冒流矢計不旋踵

彼州

南陽白水

東觀漢記曰光武元帝時求將相遺

南陽白水鄉後起兵以有

將相遺

風

鄧禹吳漢事光武為大將軍蜀諸葛亮為蜀先主大丞相皆南陽人

之士霜

戈電發但戎車暫動

戎車兵車也毛詩曰元戎十乘以先啟行

念原未

寧冬寒卿皆無恙

章

文選注曰敷奏摠有四品一曰章謝恩曰章二曰表陳事曰表三曰奏劾驗政事曰奏四

曰駁推覆平論有異事造之曰駁

始安王拜征虜將軍丹陽尹章

沈約宋書曰始安王子貞

五歲封始安王遷征虜將軍景和元年為丹陽尹

既耀軒禮涵蕤龔恩

涵濡也蕤盛也龔恭也

爽泗覲黜謝臣

少識猶晦

晦昧也言寡識如暗昧也

哀辛方襲

襲繼也按宋書王以太明五年

年五歲受封是時宋室多難故曰哀辛方襲

藉以毓采上霄搏華中漢

飲惠延光循爵假息

或作圓也

不悟瑶離降映繩河

低文

楊慎冊鉛摠錄曰江淹文瑶離降映繩河低文表麗彩繩河映夢璿圃指宗室也識緯書

王者德至雲漢則天河直如繩

遂翊言關禁徒第京部進憲蒙淺

憲猶風憲也

塵紊徒盈

紊亂也尚書曰有條而不紊

還迷據悚風製

罔樹循伏憂歆滅慮焦裒

焦灼也

不勝荷佩之情

始安王拜征虜將軍南兖州刺史章

本傳曰王以大

明五年封七年遷使持節監交廣諸郡事不之鎮遷征虜將軍尋復為南兖州刺史

泰始二年遷左將軍丹陽尹未拜賜死時年十歲

絢服騰炤

絢服綵服也炤明也或作昭

懋冊凝芬

懋盛貌芬香也

黃對

迷墜

黃敬也迷墜猶左傳所謂墮越于下也

慙位交集

中

臣職右南

陽謝蒲鞭之政

漢書曰劉寬拜南陽太守溫仁多恕吏人有過但用蒲鞭示辱而已

任重臨淄無遺獄之化

晉書曰曹攄為臨淄令嘗辨寡婦冤獄時稱其明又

嘗於歲夕縱囚歸家克日令還至日果無違者一縣嘆服

自分金帝關叅風尹

訟壁緯裁復圭露詎淹不悟旻靈拂采

旻旻天也靈寵光也

拂拭

霄景汰色

霄霄漢也景光也汰磨蕩也

復交書河楚置傳

江吳環章清潤

章采也環章清潤言環珮之色清潤也

旂文肅路

禮記

曰交龍為旂注畫兩龍相倚也諸侯所寵艷內維
建肅敬也路大也旂文言旂畫龍文也
維繫榮炫外圉圉繞也方梗名慮有陋莩識莩書曰
也白皮最薄者莩識言冲生覲氣安以輸謝不勝荒
識如莩之淺薄也

震屏營之情

建平王拜右衛將軍荊州刺史章

註見後建平王加右

衛荊州

刺史表

珪冊停徽

珪信珪也上圓下方以玉為之諸侯所執冊符命也諸侯受命於王者傳定也

徽美也

車旗寫曜

周官禮曰諸侯諸伯七命其國家官室車旗衣服禮儀皆以七為節

襲禮炫衷迎恩震色

中謝

臣聞爵以能委命以績降

亦有玄雲結吹

玄雲漢樂府古辭也言聖王用賢人各盡其才也吹鼓吹也

褒

成燠之厚

褒盛貌燠烟氣上蒸也

朱箱累轍

朱箱車內荷物處朱箱猶漢之朱

輜也累重也轍車跡也

崇試宰之高

崇尊也試宰試為宰政也

而臣紐組

頒守要玉備政績廢江區聲隘河部浮榮曠年叨

光賒日諒以具察輿歌

左傳曰晉侯聽輿人之誦

取鏡民誚不

悟皇德至凝亭物帷幄

高誘淮南子註曰亭平也

復使承官楚

封祗秩漳土任班河冀事亞嶠陝橫術輻輳殷坻

訟積寧曰明哲疇克勝寄雖瀝丹局終懼蒙咎

局體

局也咎過也以上皆自陳謙遜之辭言雖披瀝丹局終懼蒙咎過也

不任銘戴匪處

之情

建平王慶少帝登阼章

少帝蒼梧王也名昱初明帝無子以宮人

陳氏賜嬖人李道先迎還生昱十歲即位驕恣無道太祖弑之

上書皇帝陛下伏承肇嗣天震雲飛瘳極戎夏歸

服民靈以戴

中謝

臣聞黃旗紆藻瑞益於姬帝

墨子曰赤

鳥銜書降曰命周文王伐殷天賜武王黃鳥之旗

紫雲垂蓋効異於劉后

漢書曰高祖遊碭山上常有雲氣覆之

實乃深賜天衷廣映祗迹

猶天意也祗地神也

伏惟陛下騫英篤聖涵靈縱睿矩心明

裁繩道詰時遙裔維符雜沓河紀

維符河紀即洛書河圖尚書維

書曰河圖命紀是以膺符寶宮輯命珍殿誼洗雲密德徽

嬌夏濬發鴻原

鴻大也原本也

長禘

禘祀也偉大也業世業也方

絢聲金圖

家語曰孔子觀乎明堂有周公相成王抱之負斧扆南面以朝諸侯之圖焉

騰華玉曆

于寶搜神記曰虞舜耕於歷山得玉曆於河際之巖知天命在已躋道不倦

波拚下岷炎躔上漢臣公葦締寵城兼親屏禮升

之日守官楚甸

時建平王為荊州刺史故云

不獲勉躬儲外奉

敬行間免泣江郊心滋京國不任悲仰哽慰之情

建平王慶王太后正位章

王皇后諱貞風元嘉二十五年拜淮

陽王妃太宗即位立為皇后廢帝即位尊為皇太后

上書王太后殿下伏承以今日淑辰曾光樞景

曾光

曾泉之光也淮南子曰臨於曾泉是謂早食樞景
樞星之景也尚書大傳注曰舜母感樞星精而生

重華慶芬祗外禮蔚寰中中臣聞道懋第昌業廣祉

盛藻秩攸臻憲章斯飾伏惟殿下柔明固天夙資

龍龔芬蕙翔聲端簡散譽冠采摯妊

列女傳曰大
妊者王季之

妃摯妊之女也端一誠莊唯
德之行而生文王摯國名一

騰耀徽

列女傳曰
太奴者文

王之妃莘姒之女也號曰
文母毛詩曰太奴嗣徽音

丹陵蘊德

帝王世紀曰
堯母慶都生

堯於丹陵
蘊積也

玄丘棲聖

列女傳曰契母簡狄者有娥
氏之長女也當堯之時與其

妹娣浴於玄丘之水有玄鳥銜卵過而墜之五色
甚好簡狄得而含之誤而吞之遂生契焉棲止也

煙煴國牒衍溢民聽涵道席教且詠且洽臣忝任
蕃圉無由隨例闕廷不勝荒情

建平王慶江皇后正位章

宋書曰江皇后諱簡珪太始五年太

宗訪求太子妃以卜筮最吉
納之太子即位立為皇后

上書皇后殿下伏承以嘉月蕙時膺曜宸正翬珩

炤品

釋名曰王后之服畫翬雉之文於衣也
珩珩上玉從王從行所以節行止也

綸組

在飾

綸翟后六服也組綴也

休遍函夏

服虔曰函夏諸夏也

譽殷靈昧

謝中伏惟殿下岳曜靜德式懷讓順升降圖傳左右

詩史夙鍾茂資早擢芳訓故以騰馥祕閨寫問中

帷今靈緯載升崇正輝典衍教熾庭麗軌華屋聲
激綺組風偃家邦黎玄湊仁雲祇宅慶遠邇有聞
莫不傾渥臣限外任無由恭列軒屏不勝荒情

蕭領軍拜侍中刺史章

蕭子顯齊書曰齊太祖蕭道成平劉休範

後遷散騎常侍領軍都督南兖徐
兖青冀五州軍事南兖州刺史

上書皇帝陛下即日詔書以臣為侍中驃騎大將

軍開府儀同三司班劬三十人等

齊職儀曰開府儀同三司秦漢

無聞建始初三年馬防為車騎將軍儀同三司事
按本紀蒼梧王死太祖迎立順帝丙申進位司空
錄尚書事封竟陵郡公班
劬三十人開府儀同三司持節都督如故峻命在

庭光冊充軒虹驂聳服朱轡佇蓋寅對以據心影

若傾

謝中

臣功之至道不足以題象魏

周官曰大宰以正月懸治

法於象魏廣雅曰象魏闢名也

績非振民無可以書廟閣

言其功不足以

錄廊廟也

閣如漢畫功臣於麒麟閣也

半漏未晏中鍾而驚

言半漏未晏而

中鍾已及以喻晝夜不安之貌

實忌徵庸超乘盛服竊疑國寵損

萃末躬今寰海順典瓊都咸光調御惟新鎔製就

始良宜整變憲經詮明典緯九河式耀

尚書曰禹疏九河初

學記曰鉅鹿之北遂分為九河

三辰載晰

三辰謂日月星也晰明也

不悟陛

下皇靈曲溢大賚斯降而鴻賞之行廼於臣始非

所以騰振遙風激昂品流輿人之誦具聞其黷

左傳

鄭與人誦曰取我衣冠而褚之取我田疇而伍之孰殺子產吾其與之黷汚也頻露慊祈

未阻鑒順今使虔禮青軒謹躬丹墀憂符怵慙屬兼軫不任屏營之情

蕭拜相國齊公十郡九錫章

綱目曰宋蕭道成自為相國封

齊公加九錫以十郡為齊國官爵禮儀並倣天朝

殊命寶典鬱降雲天采昭軒騎光流城禦震驚華

禮神氣交越

中謝

臣才謝深英器慙遠度進寡兵車

召陵之盟退靡朝訶河內之會

一統志曰召陵在偃城縣又曰朝訶

今之衛輝也魏置朝諲郡獲嘉縣有同盟山相傳
武王伐紂與諸侯同盟於此晉世家曰文公踐土
之盟周襄王狩于河陽即河內也
無東馬山戎之績懸車流沙之

功史記齊桓公稱曰寡人南伐至召陵望熊山北
伐山戎離枝孤竹西伐大夏涉流沙東馬懸車

登太行至卑耳山而還諸侯莫違寡人寡人兵車
之會三乘車之會六九合諸侯一匡天下昔三代

受命何以故望寵未安踐榮加懼况納陞朱戶冊

異於此乎公九錫文曰是用錫君朱戶以居納陞以登服虔

注曰朱戶天子之禮也孟康曰納陞謂鑿殿基際

為陛不事絕羣班金璽朱綬晉百官表曰夏殷周
王金璽朱綬服遠游

使露也冠佩山儀叅鴻典聞命屏營國語曰楚靈王獨行
屏營注屏營迴惶也
以憂以墜近申徵欵日月之鑒既阻方懼難懷蘭

芳之旨愈峻遂致百辟卿后知躡於魏闕鑾輅旗

旂大戴禮曰王升車則聞和鑾之聲又曰王五輅旂廣雅曰諸侯之旗七仞九旒釋名曰交龍為旂

旂倚也盡兩龍相倚也方幸於臣府悵然遙慮將貽厚戾文

章徒單迄無蠲省而天威咫尺左傳曰天威不遠顔咫尺丹懷

罔固輒肅恭文物翹拜榮禮違距以深追增怵迫

德輶寵盛輶薄也於斯為徵非臣鄙虛所能酬對

表文選注曰表者明也標也言標著事序明白以曉主上也三王已前謂之敷奏故尚書云

敷奏以言是也秦并天下改為表摠有四品及秦漢燕謂之上書漢魏已來進之天子皆

稱表進之諸侯曰上疏魏已前天子亦得上疏

建平王讓右將軍荊州刺史表

沈約宋書曰
泰始六年建

平王景素加右
將軍荊州刺史

茂寵廼臨炫奪彝典巡恩鏡飾攬情震慮中臣聞

該秩詔序

秩職秩也
序次序也

匪賢莫能孚其職端維裂陝

維四隅也史記曰周成王時自陝以西召公主之自陝以東周公主之

非功無或濫

其選所以輪鞅國典締結民紐五威咸平四精或

訓者也臣踐行迷方試業敝緒

緒基緒也國語祭
公謀父曰時序其

德纂修
其緒

徒以綴采宗尊

尊葭中白皮也言綴采
宗未如葭尊之親也

承

渥帝席執圭戴筆

史記曰陳軫對秦王曰昔越人
莊舄仕楚為執珪漢張安世持

橐籥筆以備頤問 禹荷出內至乃曳組河縣茂馴羽之化

組組綬也後漢書曰魯恭為河南中牟縣令專尚德化不任刑罰河南尹遣掾廉之與恭坐桑下雉

過兒童傍掾曰何不捕之兒曰馴雉方將雛掾瞿然曰煌不入境化及鳥獸監子有仁心此三異也

鳴環京穀謝批鱗之政環環珮也韓非說難曰驪龍頷下有逆鱗徑尺嬰之

則死人聲續兩無風化雙缺而龜紐未剔潘岳誄主亦然

曰剔子雙龜文壘書頻降復改冊湘區分瑞衡服選注剔奪也

衡湘皆荆南之地區五十曰區競無賈琮交部之服猶九服侯服甸服荒服類也

廉漢書曰賈琮字孟堅先時交趾屯兵有司舉琮為刺史即移書告示使其安資業百姓謂曰賈

父來晚使我先反今見清平吏不敢飯後補冀州刺史曰刺史當遠視廣聽糾察美惡何垂帷以自

掩乎命褻之百姓悚震有終乏郭伋并壤之信漢書

賦過者皆望風解印綬去曰郭伋字細侯遷并州牧建武中盜賊羣起伋招懷之降者悉遣歸農餘黨聞伋威信降者絡繹不絕

絕固以誼胥民明湫隘身諷不悟皇靈再輝河海

重渥言皇之寵靈遂踰恒采踰超也恒常也采光采也妄貴異

等賁大也漢武帝詔曰荆門務要楚志曰唐貞元

即今荆門山在宜都西北五十里與方城任積一

志曰春秋時楚之方城水交沅澧沅水屬古黔中

府城西南五里源出四川播州澧水源出山通岷

慈利縣經石門流至澧州城東二十五里山通岷

峨岷山自梁州連綿至蜀蜀志曰峨嵋縣有大襟

峨峨山小峨山西山相對如蛾眉周迴千餘里襟

帶百縣縈抱七州上德懋勲堪居斯地寧臣膠所

宜膺荷

膠黏也

是以焦薄魂色驚迫心影

焦燥也薄迫也驚迫

心影言心影竟色不安之貌

謹刷膏情

刷拭也又尋究也

置露弱志伏

願陛下停旒弛琪暫炤瑣曲

旒冕旒之垂玉也弛釋也琪王屬言停其

冕旒釋其琪王炤察其瑣曲之行也

則鑄才式弘練物惟遠王度既

清蒙識以泰不勝慙懣屏營之情

建平王慶明帝疾和禮上表

史譜云明帝宋文帝第十一子

始封湘東王弒廢帝立之好殺戮昆弟在位八年

臣聞慶動至玄

玄天也

則昌衢敦序

昌盛也四達之道曰衢敦致也

序次序也教孚上雲則紫寓交泰紫寓紫天也故祁寒溽暑

無以變其和書曰冬祁寒祁大也溽暑濕暑也禮記月令曰季夏之月土潤溽暑沴

火凝陰不能徙其氣沴火凝結之陰也言天道交泰雖

祁寒溽暑沴火凝陰不能變其天和徙其真氣也伏惟陛下至德遠稜稜威

也實天縱聖仁鑄蒼岳蒼蒼天也岳五岳也道括寰海故丹

陵之君帝王世紀曰帝堯陶唐氏母慶都孕十四月而生堯於丹陵名曰放勳疑金

泥而謝賢五經通義曰易姓而王太平必封太山裨梁父以黃金為泥以銀為繩媯

壚之后一統志曰媯壚在今州治北虞舜嘗居之謂之媯壚今屬鳳翔府眷龍圖

而慚德尚書傳曰伏犧王天下龍馬出河遂則其文畫八卦謂之河圖頌聲蔽達

達九達道也

歌思匝道而望景暫虧

望景如月之景至望少虧也輪

光少曖

輪光日輪之

王璽達和

璽也

金幌輟念

惟

慢也不敢直言聖躬而託之以玉璽金幌也

百祠未遑四嶽匪處吉蠲

為慶神御方休

毛詩曰吉蠲為饌注吉言諏曰釋士之吉蠲言齋戒滌濯之潔也休

也瑞廣文齡祥深武日具惟涵教倡愉兼薦臣班

戚奉慈寧實慶舞不勝悅豫之情

建平王慶安城王拜封表

綱目曰宋以安城王準為揚州刺史

安城王實桂陽王休範之子而太宗以為已子注太宗即宋明帝也安城王即宋順

帝也又曰蕭道成弑其主昱而立安城王準

麗采繩河映萼璿圃

揚慎執林伐山曰江淹宗室表麗采繩河映萼璿圃見緯

書天子神聖則

淑問夙孚令儀早晰

音哲 撰告

候辰昭膺耀序國維富禮皇塗凝衛具生屬慶懷

識戴躍

言具血氣之生者有懷知識者皆屬喜慶歡躍也

臣涵悅楚邊魂

馳關闕不任下情

建平王之南徐州刺史辭闕表

臣過承寵靈閔默假日徒抱皇慈無充橫草而品

第廼崇

終軍曰無橫草之功得列宿衛崇高也

軒服逾峻

左傳衛太子謂渾良

夫曰服冕乘軒三

死無與峻危也顧茲覲躬彌覲荒昧今便奉官

外甸

甸鎮也千里之內曰甸服

卷迹徐山

徐山徐州之山也

託慕宸嚴

宸天子之居也

載惟感戀哀疾不獲詣闕

時建平王居母周太妃之憂故

云哀疾

不任窮

更之情

蕭驃騎讓封第二表

臣某言寫瀝愚丹已續前表猥降前詔未垂鏡恕

一省驚慙

省內察也

再悸魂府

悸心動也

靜躬自察啓居匪

地

中謝

臣聞日薄星迴昊天無以爽其節山盈川冲

厚地不能虧其度豈不靈鑄言限神極無失况世

道恒淪人彘剽奪數滿必公虛

家語曰孔子讀易至損益喟然嘆曰

夫學者損其自多以飾小故亂大臣才非右賢任

虛受人故能成其滿

均左戚漢書文帝詔曰左賢右戚先民後已至明之極也

祚開山河

漢高祖功

臣剖符作誓曰黃

兼金疊組爵侈常班寵溢前達

以榮以渥且慙且覲雖嘉銘鼎之恭更懼循牆之

速

左傳曰宋考父三命益恭故其鼎銘云一命而

速倮再命而偃三命而

齊職儀曰開府儀同三司秦漢無

矧乃三司業貴聞始建初三年馬防為車騎將軍

儀同三上將地崇總錄務廣

總錄言總錄文武之事也

河汾寄

深

汾水出太原郡入於河汾言守河汾之地也

珪寓方啓劒衛增肅既

驚朝野足震城邑殷周富士猶難其人漢魏多才

亦罕兼職且麟閣之臣

漢書曰蕭何造麒麟閣宣帝圖功臣霍光張安世等

十二人

尚有位不及鉉

鉉鼎鉉也

全器之侯

言抱全才之器也

猶或任不並台

台三台也

名爵無假前世之雄規

左傳曰惟

名與器不可以假人

車旗勿濫中葉之英軌

周官禮曰諸侯車旗衣服禮儀

皆以七為節

况鴻誥鬱集懋冊頓萃諒非虛薄輕所膺

符今殷夏既聲封國式固故天地輝耀日月更輝

陛下停若鏡之明流如雲之愛方求士於板巖

傳

舉於板築之間以相武丁奄有天下

宜思賢於屠肆

鷗冠子曰太公屠牛於朝諫之

肆後以漁釣奸周西伯

伐紂佐周以有天下

而私臣以闡廟寵臣以帷

鼎位兼文武職總內外非所以發夢渭濱

史記西伯將獵

乃夢曰所獲非熊非羆非龍非螭

儲精河上神曰

霸王之輔果遇太公於渭之陽

河上公莫知其姓名也常讀老

子道德經漢孝帝駕從而誦之

鐫金刻石

張綱集曰勒功金石圖既不可詮也

形冊青既不可詮也

與歌里誦與歌與人之歌也里誦里巷之

誦也左傳曰晉侯聽輿人之誦

其謂臣何仰緣大道方行蒼祗宅

尚書禹貢曰水火

氣蒼天也祗地也威靈所燭九功咸詠

金木土穀惟修正

德利用厚生惟和九功惟叙九叙惟詩

寧於庸臣獨隔恩耀誓守愚

衷重扣雲日如蒙恩宥實生之幸不任慊款之至

第三表

臣某言臣再抽慊請辭偽理屈側守圭漏圭土圭以測日

影者漏刻漏也言言晝夜不安之貌伏望衷鑑鑑照也而宸緯嚴祕懔

宗徒懸懔誠也優獎之降非復常旨肅奉驚懷懔懔

懼也曠曉如失謝中臣炤冊訪古誦史稽昔以為敷道

之寄管物成務總錄之重匡績毗風毗輔也莫不下

協河岳協贊也上踵光緯踵追也繼也光也先王所以

長世後睿所以字氓續金圖之要輔樞曆之機者

也臣本瑣姿不慕聞達昔值英世頻邁時來感激

光私未能自返烏可超乘厚任妄據高圖天道既

平鬼神好謙

易謙卦曰天道虧盈而益謙地道變

盈而好謙

臣亦何人而獨斯處所以不恤色忤頻犯鴻

威者正以方圓之景已滿丹彩之色難加

言已滿其分量

也政能緯俗匪務傍職坐而燮道必在其人若臣

武未屬橐韃之分

左傳曰左執鞭弭右屬橐韃釋名曰韃建也弓矢並建其中也

文不諂樽俎之間

孔子曰不出樽俎之間折衝千里之外者晏子也

德非

時秀道乖物宗虛飾疲伍空貽上位則天變彰於

飛流地青見于震壓

言享此非常之爵位則有天變地青之災異也青音青

驚蕩民聽蕪沮物議綸言之出不追

禮記曰玉言如絲其出如

綸

金石之謬已遠

言非鐫金勒石之功也

豈唯敗錦傷經

左傳

曰子皮欲使尹何為邑子產曰少未知可居否子皮曰使夫往而學焉子產曰不可子有美錦不使人學制為大官大邑其為美錦不亦多乎毀鼎覆餗而已哉

易曰鼎折足覆公餗

鍊鼎

自非西京上績

西京上績指高帝時功臣也

東都名勲

東都

名勲指光武時功臣也

河右群賢

晉嵇康阮籍山濤向秀諸人號稱竹林七賢為河右

世族江左諸彥

王謝顧陸為江左名彥

寧有誣叨天爵以為已

功者也

介子推曰竊人之財猶曰是盜况貪天之功以為已力乎

昔南楚偏君

鄢郢小政執珪柱國尚不輕授

史記曰楚懷王六年使柱國昭陽移

兵攻齊齊王患之陳軫往見昭陽曰願聞楚之法破軍殺將何以貴之昭陽曰其官為上柱國封上

爵執珪陳軫曰其有貴於此者乎昭陽曰令尹李
斯上秦始皇王書曰包九夷制鄢郢文選注鄢郢楚
縣况車軌共文禮記曰書同文車同軌四溟同宅四溟四海也而

以鄙蔽超居金鉉易曰鼎黃耳金鉉言位居台鼎也殊任鬱鬱起臣

心憂魄悚視丹如綠伏願陛下暫停冕纁少察惠

寶鑒臣覲情愍臣孤志廣天下之惠可匹夫之諒

則國步永清毛詩曰國步斯頻注步猶運也陛下永無謬悞不任

憂駭之情

蕭驃騎錄尚書事到省表齊書曰太祖下議備法駕詣東城迎

立驃帝進位侍中司空錄尚書事驃大將軍封竟陵公邑五千戶

臣某言臣自妄蒙異寵輕荷殊爵晝昃猶聳夜艾

方驚誠以設器瑤陛取監冲滿

家語曰周廟有歌器滿則覆中則正

虛則歌監視也冲虛也

懸魄金波徵驗虧闕

金波月也班固詩曰月穆穆以

金波言如月之滿必至虧闕也

茲乃天數去盈人經好退后所以

裁成萬品下所以各慎百司未有達才易貫克負

永業者也且量力之誥實炯前書

左傳曰不度辭德不量力

科之誨且昭昔牒

漢舊儀曰丞相設四科之辟以博異德三科補四辭八奏

况

臣徒竭弱質忠貞未對猶叨令恩山岳非重故慙

屬交喪頻煩表疏必謂巡崖之慊不忽氣亮之請

可期不悟皇明神邈鴻獎彌深雖守丹愚競絕蠲
恕今輒耀纓上序錚珮中軒德輕施重左右生譁
志盡輸謝終愧報効不任下情

蕭驃騎謝甲仗入殿表

本紀曰二年三月己酉增班劔四十人甲

仗百人入殿

臣某言臣即日被勅賜給甲仗五十人入禁儀武

殿飾冠疇典

文飾加也

局此盛恩

局迫促也

五情銘載臣聞

國之利器

老子曰魚不可脫于淵國之利器不可以示人

在祀與戎蘭錡

之設

蘭錡藏兵之所受兵曰蘭受甲曰錡

實允儲方故官騎宸居羽

林天部瞰城龍塞

龍塞龍沙之塞也

言伏鬼方

鬼方匈奴也周易曰

高宗伐鬼方克之

臣股肱之力

左傳晉獻公使荀息傅奚齊對曰臣竭其股肱之力

加之以忠貞其濟君之靈也

不足以染丹青

漢制圖功臣於麒麟閣丹青以丹青

為圖橫草之勤

漢終軍曰無橫草之功師古注曰言橫行軍中使草偃卧

寧可

以鏤金石

文子曰鏤于金石

而魚服象弭

魚服以魚皮為箭服也象弭以

象飾弓末也毛詩曰四牡翼翼象弭魚服

一旦虛授誕錫金珪

誕大也韓詩外

傳曰諸侯之有德天子錫之毛詩曰錫爾介珪以作爾寶

方茲為絢黃河如帶

壯金非賞故異寵之襲心魄共驚不世之服蒼祗

同輝雖攀靈河漢駿奔明哲慙迹駭衷無情以處

蕭驃騎讓豫司二州表

臣某言臣傾心駐氣不蒙睿感憂寵交鏡中寐再

驚中謝

臣聞國曆惟耀則藩伯緝其才朝緯伊序則

方牧司其度用能璿紐弗虧民教可變者也臣自

少器業無聞弘大誤變燕鼎超憑吳舟託翰負組

假翼要瓊質圖玄素文寫青曠爵富諸公任高群

彥銓梁既失輻誚所湊雖反影毗道苟身賛德朝

徽不昭民聽具溢豈非性力知限鑒度有崖乘茲

而虞猶懼吝辱之耻况此以任何堪湧溢之賜且

董督條興蓋非盛古至乃河襄初授或體兼上才
江表廣任或功為物首臣績陋於國不勒膚朝寵
集若是非所克敢終抱寸襟重露愚見伏願天鑄
廣裁地靈厚載特垂蠲渥使不矜盈則藎質蓬性
庶無矯奪不任匪晏之至

蕭驃騎上頓表

通鑑綱目曰昇明元年十一月宋蕭道成假黃鉞出頓新

亭

臣某言伏見明詔鑾輿便親御六師臣又謬揔羣
帥竊聞金火告耀

淮南子曰兩木相摩而然金火相守而流

昏明代卷

雲電漑湊經綸相襲所以草昧縣寓昭晰區宙况

乃逆徒阻兵器掩西服雖蟻衆鼠竊勢必褫散然

尋仇難貸

六尺曰尋八尺曰仇尚書曰為山九仇以喻積漸從尋仇以致成山故曰難貸

也

原煙易滅

尚書曰若火之燎于原不可撲滅乎

臣受算內

楹

禮記註曰兩楹之間人君聽治正坐之處

稜威外閫

史記馮唐曰上古王者之遣將

也跪而推轂曰閫以內寡人制之閫以外將軍制之

按甲視夕沾襟待旦翦

此凶渠

尚書曰殲厥渠魁凶渠謂凶逆之首也

庶匪曠旬但遂玉輅

躬臨雲蹕親駕

蹕天子之駕也

悚慨交心十百常憤今便

嚴率所統尅此月二十六日出次戎郊故已望江

源以軫歎想荆山而增厲矣進止之宜更聽勅旨
不任悚企匪寧之心

蕭驃騎謝被侍中慰勞表

臣某言即日侍中祕書監臣戢至奉宣詔旨慰勞

便受國中帷

言受國計於帷幄之中也

練甲外壘

壘軍壁也

旃麾蔽

景

言旌旗蔽日也

輿徒競氣

輿徒衆庶也

人懷秋嚴士蓄霜斷

晦晷已掩氛監未懸稽鉞竚威

言稽留其斧鉞延竚其威嚴也

寢

興震慨

寢暮寢也興晨興也慨慨惜也

今王人臨郊

王人天子所遣之人也

皇華降庭

皇華天子之使臣也

輝耀望實將激威武載鶡之

夫漢書輿服志曰虎賁武騎迎光蹕恩投石之師

史記曰王翦擊荆使人問軍中曰戲乎方投石超非漢書云并延壽投石拔距絕於等倫攀炤

竦憊楚續越醪左傳曰楚莊王圍蕭申公巫臣曰師人多寒王巡三軍撫而勉之三

軍之士皆如挾纊列女傳曰楚子反破秦軍而歸母閉門不內使數之曰子不聞越王勾踐之伐吳

耶客有獻醇醪一器者王使人注上流使士卒飲下流味不加冢而卒戰自五也異日又有獻一囊

糧者王又使以賜軍士分而食之其不喻嗑而戰自十也今士卒分菽粒而食之子獨朝夕芻豢何

也方茲慙潤臣忝屬閭私彌抱渥洽不任下情

蕭驃騎慶平賊表

臣某言狂賊沈攸之棄天犯紀毀禮滅緯外陵南

畿內(燹)西夏

燹音避怒也毛詩曰內
燹于中國覃及鬼方

稟血涵氣咸

百讐憤

言稟血氣者咸
皆百倍讐憤也

賴皇威遐制璿圖廣馭四

海競順其會如林仰綴宗稷之靈俯輯士民之効

故嚴(勅)裁交妖鋒折首凱期既孱

周禮曰王師大
捷則凱謠孱

也飲至在晨

左傳曰出必告
廟入必飲至

斯乃紫曆方永

尚書
曰天

之曆數
在爾躬

蒼氓同慶臣備符寵私時深抃舞不任踴

躍之情

蕭驃騎解嚴輸黃鉞表

按本紀順帝二年沈
攸之自經死傳首至

京二月進太祖太尉都督南徐等十六州
太祖鮮驃騎辭都督不許乃表送黃鉞

臣某言逆沴電熾沴陵亂陰陽之氣也凶妖霧舒志夫禋天

禋禋潔祀也毛詩曰克禋克祀情已類社周禮太師設軍社類乎上帝高誘淮南子注曰

類以事類祭之也故乃馳羽江郊羽羽書也騫燧山甸燧燧燔燧也雖

藏智審其黥戮涵識判其奔沮然兵扈難輕義險

宜備故膺寵無辭奉鉞不謙今元凶既殪元凶首也指

殪沈攸之醜徒自荼也荼亂也侵鬻方卷侵陰陽之氣成

災祥也卷歛也郢氛已廓氛妖氣也廓開也沈攸之以樂

瑄登肆禮衣曳朝不宜復假殊服取缺曩則輒上

還王府永戢祕館

蕭驃騎讓太尉增封第三表

臣某言以鉉司崇貴

鉉鼎耳也崇尊也

袞位淵嚴

袞位袞職也書

曰袞職有闕仲山甫補之

非德非功無忝無濫故誓魂肆請舒

衷仰謁不能曲流茲炤遂乃徒洽恩獎周覽未交

靈爽以懼

中謝

臣歷古汭圖循遠訪繪

繪即圖也

未嘗不

麗選台衡妙簡槐采者也魯鄭之賢戚

史記曰周公武王弟

常輔翼武王佐武王伐紂至牧野作牧誓破殷殺紂徧封功臣同姓戚者封周公旦於少昊之墟是

為魯公又曰鄭桓公者封于鄭三十三歲百姓皆愛之幽王以為司徒和集周民皆悅河洛之間人

更思

曹蕭之勲彥

漢書曰曹參沛人也代蕭何為相國又曰蕭何沛人也漢王即

皇帝位拜

何為相國

吳鄧之盛功

吳漢鄧禹佐光武起

王鍾

之素業

王王羲之鍾鍾繇也父子兄弟仕於晉室俱以能書知名一時稱盛故曰王鍾素業

孔明之居蜀

蜀志曰諸葛亮字孔明為蜀先主丞相後主建興五年率軍北駐漢中上

出師

茂弘之在晉

王導字茂弘為晉丞相時號江左夷吾

僉曰伊人

僉衆言也

是以處無懦色臣官逢昌世運漸時明頻煩

紫渥綢繆璿命身薄施厚感厲愈深遂負機繩之

託墨之託也

猥集衡梁之任

言權衡棟梁之任也

風軌不樹

徽猷罕宣無以式翦寇兆載弭姦義致虹沴阻於

上京

此言表蔡劉秉由丹陽以據石頭城作亂也

蜺妖扇於下國

此言休範

攸之稱兵於
尋陽江陵也

寔賴藩伯鞠旅

藩伯藩國
之伯也

侯甸入守

侯甸侯服
甸服也

攬搶甸始煙祛霧卷

攬搶慧星也張衡
西京賦曰我光武

忿之乃龍飛白水鳳翔參墟授鉞四
七共工是除攬搶甸始羣兇靡餘

故皇道威稜

之由神緯昭昌之効臣豈有探賈察幽之智攻城

野戰之力哉今迹無小功事貽大賞愧寤終朝慙

夢流夜咨此庸弱何以任忝伏惟淮泗猶梗

淮古
淮陽

郡泗即泗州
也今屬鳳陽

趙魏未賓

今邯鄲為古趙地魏大梁
也言淮泗尚多梗澁趙魏

猶未賓
服也

中原乂蕪神州方翳

中原神州皆中國
也蕪蔓也翳蔽也思

樂盛猷願厲聲頌將陪雲駟以北守扈朝服以濟

師乃為少雪庸誠徵謝天眷耳寧容遽竊茂爵輕
頒鴻名者乎伏願聖渥遐覃遐遠也賜以矜宥需
焉垂仁穆然惠德血祈旦亮懔志夕滿雖蹈疵戾
猶深忤躍

蕭驃騎讓太尉增封表

臣某言揆心求私精衷請亮情不感神理無動天
詔飾既降辭表是絕朱紱方臻金鉉未宥魄慮再
馳詵然改席臣局志久戰淺槩已領具煩寸管備
黷尺史曠旬決景祈指遂宜猶謂設品分職實以

仰銓壁緯列寵縣榮故乃俯酌瑤陛迹聯盈缺道
協興降上膺所以僉舉前英所以詳能今若第隨
私貴爵與私富紊蕩經邦斷折民紀豈可還風中
葉逖聽遐代者也臣才乏往賢績謝古烈妖鋒孽
火將炎天地幸郊甸或靜江山以閱文軒華劒既
榮既峻侯封桂食又盈又滿祿高誚厚任重責深
弱節兼誠誓思不淺伏願隆慈特垂明慈臣奉國
猶家慮公若私秉軸之鈞心希在治不任懇懇之
情

蕭驃騎讓油幢表

本紀曰太祖立順帝封為竟陵郡公給油幢絡車班

劔三

十人

臣某言奉詔賜車一乘竊以國容方穆旗章式序

朝禮永清儀服咸貫

國語曰為車服旗章以旌之

故象革鞬鑣

尚炯明圖

象革以象革為甲也釋名曰鞬建也鑣馬銜也猶言弓矢並建於馬首也朱

箱玄蓋猶炤漢篆

朱箱玄蓋猶漢二千石以上皆朱轡皂蓋也

皆旌羽

勿差功庸匪濫臣忝爵山重蒙榮海深襲恩祇冊

已慙初筮浮祿素位方疚心路鑒古以惕巡世罔

然不宜假文冊懣

懣車衣也

空飾皂轡

轡車旁也

仰思至道

俯恤物僭伏願聖遠特停華渥書愚上請追深累
懼不任下情

晚恍興南郢南墨法繩刑害毒西荆荆西

牒舸二五喜嘉鷹孤瞬視鶚萬視里袂袂禦補遺

骨骸河汝哀補溝堞峻後致到軒墻堊毀秉康

秉康陽補偉緯業鄴亂辭右古至風偽為續讚

屬燭陞門譁華宸辰絢荷牧率壘壘勅効黥黥

右六卷正過四十五字

梁江文通集卷第六

終